

中華文史叢書之二十六
鉛印
明、萬曆刻本
王有立主編



據國立台灣大學
圖書館藏本影印

萬曆三大征考 三雲籌俎考

(本訂合)

茅瑞徵撰
王士琦

台灣華文書局印行

燕京大學圖書館藏書之

第三大征考

許新題



目錄

鄧序	一
東園老人叙	三
清遠居士序	五
哮喘氏	一
倭上	一〇
倭下	一八
播州	二七
附圖	

一 三 五 一 一〇 一八 二七

寧夏總圖

日本總圖 附日本島夷入寇之圖 遼東遼朝鮮圖

播州總圖

往者予得茅瑞徵萬曆三大征考燕京大學圖書館因傳鈔一本予亦借鈔所藏東夷考畧然二書實一書也明史藝文志著錄三大征考而不及東夷考畧者蓋有所諱二書皆著於天啟初元正東事糜濫之時瑞徵方以黃岡知縣行取入補兵部職方主事著書思以自效推原東事之壞始於三大征竭天下之財耗天下之兵朝鮮一役始調遼東勁旅迨東事起倉卒遂無以應敵然萬曆用兵非必得已者也其時國家全盛當國有人而倭人肇釁先併琉球遂蹂躪三韓聲言將渡鴨綠而北以窺中國然則禦之於境外與禦之於境內等耳所謂遼東隔一江即倭故保鮮即所以保遼西事方當俺答就撫之後倭拜發難若使與虜連結寧夏形勢之地其患未易除也至若水西宜若可緩然明代每調土兵征剿若水西抗命將何以驅使他部洪武之末已嘗遣顧成以重兵征

之其重之也非僅關係一方而已史稱有明中葉長吏喜開邊生事若三大征者誠非其比瑞徵之書自謂本於公文奏報其實雜以見聞識力足以副之故紀事稱爲翔實致慨於東事之壞而亦不沒三大征之功此所以爲卓識也書尤詳於朝鮮之事言源家康領東北三十三州不預兵事關東卒無一渡海此最爲關鍵知明廷是時尙能用間然則推此事以論關白之封或亦不失離強合弱之意然後數年力戰逐倭入海藩封未改國威不替蓋由中朝有人以視有清甲午之役坐以朝鮮畀敵其得失爲何如哉明季人喜慷慨言兵特詞多虛詭以視瑞徵所爲固已不侔志稱瑞徵居官有政績官未甚達即退恬淡寡營觀所作者上愚公傳可以見其爲人則其書樸茂無飾殆有與其祖坤相類者可謂能世其學者矣晚近異書祕本日出不窮學人稱幸然讀者率致力瑣

屑要眇考較於一事一物之微足供取材而已未嘗通觀本末識其貽謀臧否
非善讀書者也燕京大學圖書館以東夷考畧已有印本此書亦當流布以商
於予亟慫恿之排印畢功乃畧書數語以諗讀者民國二十三年四月十九日
鄧之誠

昔在聖門亟稱仲由沿賦而文學則以屬之游夏然二子仰唯是讀書禮樂之斤斤發明而春秋歸田墮城之事曾一辭之莫贊彼謂破齊存魯者皆寓言也固知文武具體聖門猶然難之而況隨陸絳灌乎余友茅伯符以循良異等詔入中樞與謀軍國事伯符亦留意阨塞險要陳諸指掌諸所擘畫動中機宜會有浮言侵之竟拂衣荅水上闔戶著書居恒伏思

顯皇帝臨御久而武烈揚其最鉅者在東西三大征因擲撫其事纍纍如貫珠間出以觀余即令屬吏抽毫班掾掾管仰亦未能或先夫班掾增損遷書而龍門則采世本國策上下其手令正史放失什不得九而伯符止據幕府之上功與

睿旨之報可者次第其語不詭不亢以成一家言此又難之難者至豫策東事

若燭照數計不可謂非文武兼材也夫以

顯皇帝撻伐四夷赫然無敵而今小醜陸梁侵入內地若蹈無人之境彼雖桀
驚不當漢一大郡至匪東顧之憂連年不解此何以故語云凡此蔡功惟斷乃
成

顯皇帝神武不殺而猶逮一督府一大司馬竟用成功則亦前事之效力上拊
脾思頗牧而伯符復用鬼方功待召此書行且進御 上益明習事旋見施行
當必有係曾奴之頸獻之 闕下者仰余聞之漢賈生久歷外廷及宣室前席
帝歎爲不及夫其止車轡之量因與嫚罵英風不同使生消融其氣以運格心
之術而潛移其謙讓之志則帝方爲生用而又何絳灌不終爲吾拙乎是余所
望于伯符也遂弁其語于首肯

天啟改元中秋日東園老人書於武林舟中

在昔銓次武功惟韓退之淮西一碑最爲嚴簡其摹畫功罪本末旣如櫛列眉而下語亦具有鑒裁千古定屬椽筆乃以歸美晉公失貴戚意至經磨泐蓋揚權若斯之難也

神宗皇帝在宥四十有八載武功維競而噓播朝鮮三大役特著靈激電煜于今爲烈矣余嘗閱兩朝平壤錄頗類裨乘小說摭拾多不雅馴已得瞿待詔武功錄讀之所述噓播情事似屬詳盡而鋪張間涉卮蔓不無迂合朝鮮一案直縮手祖龍遺焰缺焉不備往藏歸舟偶挈有本兵稿畧因出次第叅訂僭爲刪輯旋以久置廢麓頃

龍馭上賓方開史局編纂因念證據武功適余舊業而以屏居荒野不獲從諸大夫鼓吹休明聊復點竄前帙奉揚

先帝鴻猷萬一所媿材指謫劣無能與韓退之爲役而挾藻金石又敢妄希段
文昌唯是勉效摹畫布昭

聖武庶令窮陬不逞心寒膽落而借釐正功罪稍鼓行間之氣其亦揚權微意
也夫豈

天啟辛酉初夏清遠居士題

萬歷三大征考

噶氏

始

神廟在御久邊遠晏如自西夏叛卒發難繼以倭繼以播州海內蕭然煩費稍苦兵矣而兵端自噶氏父子噶拜胡人也嘉靖中亡抵朔方驍勇屢立功隆慶二年八月擊虜山後大青山斬其酋總督侍郎王崇古叙賜金明年搗虜花馬池陞歷都指揮使萬歷五年以遊擊統標下二營家丁千餘請得專敕鈴束總督侍郎石茂華巡撫都御史羅鳳翔以聞報可于是拜始擅一軍十年授叅將一切標兵隸拜麾下矣當是時寧鎮于清水中衛平虜並通貢市套虜切盡黃台吉着力兔打正各台吉并松虜賓兔台吉等入市夷二十八枝會撫夷遊

擊鄭陽歿巡撫都御史梁問孟以指揮土文秀父本降胡曉暢邊事咨陞守備協撫時十四年丙戌十月也後三年己丑巡撫梁問孟請加拜副總兵休致子承恩襲益懷悍沿邊皆懾伏之後二年辛卯洮河告急

上特遣司寺及科臣巡九邊邊各一人毋拘以期時尙寶丞周弘論兼御史往寧夏舉承恩土文秀並拜義子千總哮雲等頃之黨馨爲巡撫都御史拜雖請老平居恒多蓄蒼頭軍聲報

國承恩自調赴青海還心輕邊卒孱弱益翹喜自負而撫臣馨每加裁抑且欲覈青海虛糧以此怨刺骨會哮雲文秀亦怨馨以常許咨雲守備渝約而文秀遷遊擊弗優禮故也馨御將卒嚴刻銖兩之奸繩以軍法衆亦不附明年壬辰二月鎮戍請冬衣布花及月糧未給拜承恩遂乘間激衆作亂推軍鋒劉東陽